



ՀԱՅՈՑ ՀԱՅՐԱՊԵՏԻ ԿՈՆԴԱԿԸ

ԵԹՈՎՊԻԱՅԻ ԵԿԵՂԵՑՈՒ ՊԱՏՐԻԱՐԲԻ ԸՆՏՐՈՒԹՅԱՆ ԱՌԹԻՎ

ՀԱՄԱՅՆ ԵԹՈՎՊԻՈՑ ՈՒՂՂԱՓԱՌ ՍՈՒՐԲ ԵԿԵՂԵՑԻՈՑ ՆՈՐԸՆՏԻՐ ՊԱՏՐԻԱՐԲ՝ ՆՈՐԻՆ ՍՐԲՈՒԹԻՒՆ ԱԲՈՒՆԱ ԹԷՈՑԻԼՈՍԻՆ, ՍԻՐՈՑ ՈՂՋՈՅՆ ԵՂԲԱՅՐԱԿԱՆ Ի ՀԱՄԲՈՅՐ ՍՐԲՈՒԹԵԱՆ ԵՒ ՕՐՀՆՈՒԹԻՒՆ ԵՐԿՆԱՅԻՆ Ի ԳԱՀԷՆ ՍՐԲՈՑ ՀՕՐՆ ՄԵՐՈՑ ԳՐԻԳՈՐԻ ԼՈՒՍԱՒՈՐԶԻ

Աղիս-Արքա

Աստուծոյ ողորմութեամբ ուրախ արտով կ'ողջունենք բարի լուրը Ձեր ընտրութեան իբրև Պատրիարք Եթովպական պատմական սուրբ Եկեղեցոյ:

Հայաստանեայց առաքելական սուրբ Եկեղեցին և անոր բազմադարեան կեդրոնը սուրբ Էջմիածին, միշտ ամենաջերմ զգացումներ տաժած են դէպի ձեր սուրբ Եկեղեցին, որ առաքելական ժամանակներէն սկսեալ, բազում դարեր հանդիսացած է, և մեր օրերուն ալ կը հանդիսանայ, լուսատր սին մը քրիստոնէական հաւատքի, ամուր հաստատում եթովպական նուիրական հողին վրայ և Եթովպիոյ աստուածաւեր ժողովուրդի արտին մէջ:

Մենք յոյժ երջանիկ ենք որ այժմ, եթովպական մեր քոյր Եկեղեցին, սուրբ Հոգոյ ներշնչմամբ, Ձեզ ընտրած է գլուխ և առաջնորդ Եկեղեցոյ՝ իբրև արժանատրագոյն և ամենահեղինակատր հոգևոր դէմքը ձեր նուիրապետութեան:

Եղբայրօրէն հոգևին կը հրճուինք Ձեր ընտրութեան և գահակալութեան անտիսով և կ'աղօթենք որ Տէրը Ձեզի պարզէ երկար տարիներ, երջանիկ հովուապետութեամբ ու փայլուն իրագործումներով:

Թող Աստուած յաւէտ անասան պահպանէ ձեր մեծ Եկեղեցին և ձեր ժողովուրդը, Ձեր բարի և իմաստուն առաջնորդութեամբ:

Թող Աստուած յաւէտ խաղաղութեան ու բարօրութեան մէջ պահէ ձեր քրիստոսապաշտ երկիրը՝ Եթովպիան, Նորին Կայսերական Մեծութիւն՝ Հայիլէ Սելասիէի փառապանծ հովանիին ներքոյ, որ մեր օրերու աշխարհին մէջ, կը հանդիսանայ խաչապսակ պաշտպանը քրիստոնէական հաւատքի, խաղաղութեան դատի և ժողովուրդներու եղբայրութեան, ինչպէս և հարազատ բարեկամը հայ Եկեղեցոյ և ժողովուրդի:

Ընդունեցէք, սիրեցեալ Եղբայր, Մեր սէրը և Մեր ջերմագին մաղթանքները Ձեր նուիրական առաքելութեան յաջողութեան և ձեր սուրբ Եկեղեցոյ ծաղկումին համար:

«Ինքն Աստուած և Հայր մեր և Տէր մեր Յիսուս Քրիստոս՝ ուղղեցէ զճանապարհս մեր առ ձեզ»։ ամէն:

Տուա կոնդակս ի 29-ը ապրիլի
1971 փրկչական ամի,
և ի տումարիս հայոց ՌՆԺԹ,
ի մայրավանս ս. Էջմիածնի
ՀՄՐ. 703

ԵՄՅՐԱԳՈՅՆ ՊԱՏՐԻԱՐԲ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

